

欽定盛京通志

欽定盛京通志卷之一百

古蹟一

奉天府境內郡縣古蹟

興京

承德縣

遼陽州

海城縣

蓋平縣

開原縣

鐵嶺縣

復州

寧海縣

岫巖城

鳳凰城

興京

奉天縣內游隸古蹟

古蹟

松遼盛京縣志卷之二

欽定盛京通志卷之一百

古蹟

臣等謹案遼爲有虞營州之域今錦縣徒河故城相傳舜時已有之劉恕外紀周惠王三十三年齊桓公救燕破屠河卽徒河也迨秦北築長城屬之遼東今寧遠有長城故址自漢以來置遼東西樂浪元菟諸郡則挹婁扶餘沃沮遼隊安市襄平無慮徒河諸蹟今皆可考唐太宗征高麗遼金建都宮室官署之

傳益彰簡冊甄而錄之謹志古蹟第三十四

...

...

...

...

...

...

古蹟

欽定盛京通志卷之一百

古蹟

奉天府境內郡縣古蹟

興京

定理府

在城西北。舊址無考。唐時渤海大氏建。新唐書挹婁故地。為定理府。領定瀋二

州。遼史地理志。東京定理府刺史。故挹婁國地。金史地理志。瀋州。挹婁縣。遼嘗置定理府

刺史于此。本挹婁故地。大定二十九年更名。有范河。清河。○按范河。清河。俱在今鐵嶺縣

南。遼定理府刺史之置。及定州之廢。史文闕畧不詳。以金史參考之。金之挹婁縣。即唐時

渤海之定理府。遼為興遼軍。則定理府舊址。為

興京界西北鐵嶺縣進東南之地無疑
又按潘州新唐書誤潘為潘今改正

建州

曰在城東舊址無考（元一統志）金上京之南

置建州左衛宣德七年置建州右衛○按建
州考之遼金地志在涿州定理之間為今開

興京界內地乃我

朝岐界故壤而赫圖阿拉實明右衛地也又按建
州有二一在錦州邊外五代史遼徙晉帝太

后於建州自遼陽更南行千二百里始至元
史托爾楚傳納顏叛托爾楚棄妻子與麾下

十二騎直抵建州拒咸平一千五百里是也
遼置建州保靜軍於此元時未廢即唐之崇

州今為喀喇沁及土默特右翼境非渤海時
所置之舊建州也○蒙古語托爾楚絆住也

原作塔出納顏蒙古語解見黑龍
江城池卷原作乃顏今俱譯改

南蘇州

在城西高句麗置。舊址無考。(晉書)永和二年。燕王皝使慕容恪攻高句麗。拔南

蘇。置戍而還。隆安二年。慕容盛襲高句麗。拔新城南蘇二城。開境七百餘里。(隋書)大業七年。

年。伐高麗。分遣段文振出南蘇道。(新唐書)乾封二年。薛仁貴破高麗。拔其南蘇。木底。蒼岩

諸城。顯慶中。置南蘇州於此。後廢。○按遼志以蘇州安復軍為高麗南蘇州。蘇州即今金

州也。今考漢志。高句麗縣有蘇水。高麗置城。蓋因此水為名。晉載記。慕容皝自南陝以伐

高句麗。胡三省通鑑注。謂南陝在遼東之東。南蘇。木底。賈耽謂新城在遼東東北。則南蘇。

木底。當在新城東南為今。與京界不在金州境可知。舊志但據遼史載南蘇

木底二城。入金州古蹟誤。

木底州

在城西。舊址無考。(晉書)咸康八年。慕容皝擊高句麗。高句麗有二道。其北道平

關南道險狹。慕容翰曰：虜以常情料之，必謂大軍從北道。當重北而輕南，今以銳兵從南道擊之，出其不意，丸都不足取也。別遣偏師從北道，縱有蹉跌，其腹心已潰。四支無能為矣。甄從之。遂克高句麗。蓋從北豐而進者。為北道。從南陝入木底城而進者。即南道。（新唐書）乾封二年，韓仁貴攻拔之。尋置木底州於此。後廢。又有新城，亦在界內。晉咸康五年，慕容皝擊高句麗兵。及新城。高句麗乞盟，乃還。隋大業九年，復破高麗。遣王仁恭出扶餘道。仁恭進至新城，攻之不拔。唐乾封二年，李世勣伐高麗。度遼謂諸將曰：新城，高麗西邊要害。不先得之，餘城未易取也。遂壁西南山。臨城下，進擊一十六城，皆拔之。胡三省通鑑注。新城，西南傍山。東北接南蘇木底等城。○按遼史以遼州為新城。誤。詳後遼州注。

高句驪故縣

在城北（前漢書）武帝元封四年，開朝鮮地。置元菟郡。又置高句驪縣。

為郡治。應邵曰：故句驪國。（三國魏志）漢武初以沃沮城為元菟郡。後為夷貊所侵。徒郡句

驪西北。後漢公孫度時。皆治高句驪縣（吳書）元菟郡在遼東北。相去二百里是也。後廢。○

按漢志。縣為小遼水所發源。今與京北近渾河之源。蓋即漢高句驪縣地。高句驪

國本在縣東。去遼東千里。漢至縣。取其名耳。元菟郡。雖初治沃沮。尋徙句驪。漢志可考。方

輿紀要謂公孫度始改置於遼東之北。治高句驪縣。非是。又吳書謂郡去遼東二百里。而

郡國志。遼東郡下云。雒陽東北三千六百里。元菟郡。則云四千里。其實相去四百里也。又

按漢書元菟郡。祇領三縣。高句驪。上殷台。西蓋馬。

（承德縣）

瀋州

今奉天府治。漢遼東郡。渤海置瀋州。故縣九。皆廢。遼置興遼軍。後改瀋州昭德軍。元

曰瀋陽路。(遼史本紀)太祖神冊六年詔徙檀

順民於東平瀋州。(地理志)太宗置興遼軍。後

更名。(金史)收國二年。幹魯與遼軍遇於瀋州。

進拔其城。後更爲顯德軍。又承德縣治東北

隅。即古樂郊縣。遼初俘薊州三河之民。置三

河縣於此。後改曰樂郊。爲瀋州治。金因之。又

有章義。遼濱。挹婁。雙城。四縣。後俱廢。元初統

名瀋州。後曰瀋陽路。尋治遼陽。明洪武二十

一年。修築故城。周十里。有奇。南有南關。曰定

遼都衛。(許亢宗奉使行程錄)自顯州一百五

十里。至梁漁務。又一里。至摩綽寨。又八

十里。至瀋州。○按遼史志云。瀋州本挹婁國

地。又按唐書睿宗時。渤海大氏置瀋州。轄定

理府。遼初廢州。置三河縣。後改樂郊縣。爲瀋

州治。則知今承德縣實古挹婁地。而瀋州之

名。自渤海始。樂郊之名。自遼始也。又考承德

縣北至鐵嶺界七十里。挹婁故城在鐵嶺縣

南六十里。承德鐵嶺。漢晉間同爲挹婁國地。

此明徵矣。或據後漢書。挹婁在夫餘東千餘里。云其去遼東尚遠。誤也。○國語。摩綽。拙也。

原作沒咄。今譯改。

蒲州

在承德縣北四十里。渤海置(松漠紀聞)與州四十里。至蒲河。四十里。至瀋州(元一統

志)蒲河。在瀋陽路。源出鐵利國蒲谷。流經蒲水田。過故名。○按蒲州。遼初已廢。本鐵利國

地。自應以蒲河得名。以宋洪皓所記考之。距瀋州四十里。今承德縣城西北四十里。香爐

山。蒲河源在焉。蒲州之設。亦應在此。

集州

在承德縣東南。渤海置奉集縣。又置集州。(遼史地理志)集州懷衆軍。古陴離郡地。(全

史地理志)貴德州奉集縣。遼集州奉集縣。本渤海舊縣。元時廢。明為奉集堡。置鐵場百戶

所屬鐵嶺衛。(明一統志)在撫順千戶所南八十里。今承德縣東南四十五里。東去鐵嶺衛

二百十里。有土城。周四里。正南一門。名奉集。堡外有鳳集堡。橋即其遺址也。並詳城池卷。

○按舊志。集州古險瀆縣。漢時險瀆縣。高麗為霜巖縣。渤海置州。今考險瀆縣。前漢屬遼

東郡。後漢設遼東屬國都尉。險瀆應為遼東之西境。又考綱目釋地。險瀆在樂浪沮水之

東。沮水又在高麗平壤城東。則險瀆應在鴨綠江及高麗境。舊志載入承德縣境。今從刪。

又廣寧縣境。舊志亦載有險瀆故縣。或異地同名。或建置不一。姑存之以志闕疑。又按懷

衆軍。金史作懷遠軍。

崇信故縣

在承德縣東。(遼史地理志)崇州隆安軍。本漢長岑縣地。渤海置州。故縣三。

崇山。瀉水。綠城。皆廢。在京東北一百五十里。治崇信縣。金時廢。○按長岑縣。漢屬樂浪郡。

在今朝鮮界內。遼崇州即其地也。又按渤海州名。有榮州。無崇州。榮為中京所屬。與湯興

二州相次。今遼史以崇州次於湯興後。而東京所屬。別有榮州。又不載其沿革。疑崇字即

榮字之訛。而榮州又復出也。

章義故縣

在承德縣西南。漢襄平地。遼置昌義縣。為廣州治。金改為章義元廢。遼史

地理志廣州。漢屬襄平縣。高麗為當山縣。渤海為鐵利郡。太祖遷渤海人居之。建鐵利州。

統和八年省。開泰七年。以漢戶置。治昌義縣。金史地理志章義縣。遼舊廣州。皇統三年降

為縣。屬瀋州。元廢。明為章義站。松漠紀聞瀋州六十里。至廣州。七十里。至大口。明一統志

章義廢縣。在瀋陽衛西南六十里。舊志今縣西南七十里。有章義站。城周二里。又西南七

十八里。有舊章義站。城。周四里。故址並存焉。詳見城池卷。又按新唐書。鐵利故地為鐵利

府。領廣汾。蒲海。義歸。六州。海州。非今海城縣地。

靈源故縣

舊址無考。遼初建漁陽縣。後更名。屬瀋州。

謹案前漢書。遼東郡統縣十八。襄平。新昌。無慮。望平。房。候。城。遼隊。遼陽。險瀆。居就。高顯。安市。武次。平郭。西安。平文。番漢。杏氏。後漢書。遼東統縣十一。而以高顯。候城。遼陽。屬元菟郡。安帝又增置六城。領以邯鄲。西部都尉。核其方隅。半在遼西。今考之遼金元諸史。其自渤海時已廢及更置者。皆不可考。惟遼金尙沿其舊。雖有裁併。猶可稽考。爰備錄如右。

遼陽州

渤海國

在遼陽州東北。唐時渤海大氏建。遼改
擴東京。遂廢。○按渤海之地有三。其曰

郡者。則兩漢晉魏隋也。郡治遷徙不一。或在
幽冀。兗三州之地。縣則金元有之。惟屬山東

濱州之一。其曰國者。則自唐始。即大氏所都
也。地直營州東二千里。南北抵新羅東窮海。

西抵契丹地方五千里。營州今錦州府鏡
海去錦州東二千里。應不在遼陽境內。則以

遼陽境內舊址
為渤海國者誤

遼陽郡

其地即今遼陽州治。遼曰東京。遼史地
理志神冊四年。葺遼陽故城。以渤海漢

戶。建東平郡。天顯三年。遷東丹國民居之。
為南京。城名天福。幅員三十里。八門。宮城在

東北隅。南為三門。壯以樓觀。四隅有角樓。
去各二里。外城謂之漢城。天顯十三年。改為相

東京。府曰遼陽。治遼陽縣。又金史。遼時遼陽縣。渤海為金德縣。金因之。元至元二十五年。

改為遼陽路。明洪武五年。改建遼陽縣。屬遼東郡。後漢安陽縣。○按遼陽本漢縣名。屬遼東郡。後漢安

帝初。改屬元菟郡。晉廢。其舊址久堙。以漢書地理志。及水經注。考之。其地當在州西北界。

承德遼陽之間。梁水渾河交會之處。今州乃遼金之遼陽也。遼志云。本漢沮水縣。高麗改

為句麗縣。渤海為常樂縣。沮水在漢樂浪郡。今朝鮮界內。金德常樂。乃渤海中京顯德府

縣名。皆不在此。又按新唐書。渤海所建府州無遼陽之名。而遼史志。即謂之遼陽故城。金

史志。直云渤海遼陽。故城疑唐中葉。安東都護府廢後。渤海置城於此。謂之遼陽。事或有

之。然考遼史本紀。太祖三年。幸遼東。神冊三年。幸遼陽。故城。四年。建東平郡。天顯元年。始

攻拔渤海扶餘城。進圍忽汗城。降大諲譭。置東丹國。太宗三年。遷民於東平郡。是渤海末